

靈寶領教濟度金書卷之一百九十二 拱土

洞微高士開光救苦真人靈寶金書

靈寶通玄弘教水南先生林靈真編

科儀五成品 七曜齊用

晚朝行道儀

法事陞壇如式

各禮師存念如法

宣衛靈呪

五星高耀 瑞炁飛浮 元始集神 天地交周

玉符靈節 嘯命徹幽 擲火揚威 奸凶無留

萬魔振伏 紛絕却消 摧惟伐惡 道炁周流

神光照夜 陰翳俱收 萬仙降格 扇景乘飈

羣生咸遂 惠遍神州 與道合真

鳴法鼓二十四通

无上三天玄元始三炁太上道君太上老君

召出臣等身中三五功曹左右官使者左右

捧香驛龍騎吏侍香金童傳言散花玉女五

帝直符直日香官各三十六人出出者嚴裝

顯服冠帶垂纓關啓玄壇天帝神君當召此

間土地方域神真臣今晚朝陞壇行道謹奏

為入憲其諸忱悃具載狀文願得

太上十方至真道炁靈寶瑞光下降流入臣

等身中令臣所啓速達徑御

至真無極大道

三清上聖

昊天玉皇上帝御前

請稱法位

具位奉行七曜大齋法事小兆臣某與臨壇

法衆等謹同誠上啓

太上无極大道虛元自然元始天尊太上道

君太上老君无上玄元總監衆靈日官太陽

太丹炎光上真道君月宮太陰黃華素曜上

真道君東方木德重華上真道君南方火德

熒惑上真道君西方金德太白上真道君北

方水德同晨上真道君中央土德地侯上真

道君諸天星宿璇璣玉衡周天二十八宿三

百六十五度河漢星君星中大聖五老上真

玄中大法師三天大聖師五帝四司十方三

界玄虛應感一切真靈臣聞天根凝妙流精

騰三景之輝聖帝舒華垂象燦七辰之耀獻

歲宣調於玉燭授時昭運於珠躡甲虎庚龍

地應循環之徑離鳥坎兔天張主宰之樞密

承元始之威章潛授虛皇之惠憲洞真三八

品瑤圖彰禱祝之辭靈寶四六司瓊笈顯稽

穰之法上列九霄而煥彩下昭八極以開祥

凡懺願之潛孚必香登之密被臣等蓬心內

曲祀性中傾天錫玄機快觀紫清之鳳騰師

傳妙經章窺玄碧之鸞書異高蹈以考樂乃

早樓而出岫悠悠玩歲切切兢辰領教度人

盡踐丹青之普憲天弘道宜堅金石之忱齋

主心詞謹當宣奏

宣詞

按如詞言情文悔切且聞函三御炁衆星燦

燦於空中得一分靈萬姓林林於宇內雖高

厚之勢異而隱顯之機乎三十六禽職災祥

於地軸一十二次明休咎於天關圓樞羅分

野之權方域列封疆之界仰瞻七政實御群

生既膺陶冶之司盡靈版依之請今齋主未

宿依化日久暮玄風罔定四時期步占之有

準晴推五福觀欽錫之无非非上扣於椒宸

曷下符於葵精爰輝素悃式建玄壇風葆歲
 終燦千花於翠幕竟旋暉揚萬葉於珠簾
 一天之星斗飛芒十極之風雲混合空歌逸
 響前迎羽蓋以翩翻曲素流明後從鸞輪而
 容與紫炁徘徊於聲路祥光洞煥於天衢壇
 舒白玉之光座擁紫金之相天顏載親帝渥
 宏敷願昭履載之仁為殄陰陽之難以今晚
 朝行道請法衆等運盞初檢上香
 願此香煙騰空供養

太上无極大道金闕高尊臣等皈身皈神皈
 命首體投地仰依
 太上三尊願以是功德上祝
 皇帝陛下伏願德邁赫義功侔炎燧式九圍
 而御政勢既金湯來四極以朝元貢逾幽囂
 挹南溟而並福華東岱以齊齡儲宮烹仁孝
 之姿內掖著徽柔之德公卿列辟昭成績於
 雲臺教守諸藩紀私熟於煙塞今故燒香自
 皈依
 師尊大聖衆至真之德得道之後保天長存
 和與道合真

以今晚朝行道請法衆等運盞二檢上香
 願此香煙騰空供養
 三十六部尊經玄穹上聖臣等皈身皈神皈
 命首體投地仰依
 太上三尊願以是功德皈流齋主某伏願玄
 泉潤質丹液順真道力空蔭萬敷層於庭宇
 神功磅礴溢瑞炁於門闈壺中之日月長新
 戶外之風波不除千秋兩散萬福雲臻潤屋
 潤身紹先猷而濟美學詩學禮垂後業以延
 休今故燒香自皈依
 師尊大聖衆至真之德得道之後升入无形
 和與道合真

以今晚朝行道請法衆等運盞三檢上香
 願此香煙騰空供養
 玄中大法師七曜皇君臣等皈身皈神皈命
 首體投地仰依
 太上三尊願以是功德皈流
 杜稷尊靈山川聖佐幽關主執冥路班僚伏
 願體道愛民法天育物陽功日懋宏九地之
 祥禧陰德雲溢過六天之魔魑姓字新刊於

青簡班聯峻陟於玄階翼道統之昌期佐邦
 基之休運仁涵夜壑有靜波息焰之歡恩快
 寒庭彰化樹鸞之喜今故燒香自皈依
 師尊大聖衆至真之德得道之後永保安寧
 和與道合真

禮方 儀方 三啓
 三禮
 重稱法位
 具位奉行七曜大齋法事小兆臣某與臨壇
 官衆等謹同誠上啓

太上无極大道虛元自然元始天尊太上道
 君太上老君无上玄元總監衆靈日官太陽
 月府太陰二曜皇君木火土金水五德星君
 諸天星宿璇璣玉衡周天二十八宿三百六
 十五度河漢星君星中大聖五老上真玄中
 大法師三天大聖師五帝四司十方三界玄
 虛應感一切真靈巨聞景星燦彩外垣端拱
 於內垣列曜呈輝旁道斜經於中道威節異
 度文轉殊躡真光照煥於五靈餘炁潛行於
 九執或逆或順倏去倏留吉彰福祿之符凶

啓兵刑之兆上扶

帝座下濟民生惟鈞曆數之文可驗踴躍之實本齋主仰觀大象俯慮微生親聽自民期播一元之福社禍福由已莫明四序之機祥或宿襲於客塵或今業於業垢或違天負地或背陽返陰或露三光或觸穢二極或呵風罵雨或怨暑咎寒或指虹霓而墜流星或犯雷霆而冒震電或妄談神變或輕議天文條目斯繁簡編備錄因命限之戾然此身家之災符願鑒蟻忱曲頒鶴赦鼎新華故挽天河而洗前愆否去泰來御瑞門而敷後祉萬霏煙於次舍凝瑞炁於封疆度解刑衝救吉星而覆護官臨權貴勅威曜以退藏至於推步之方猶廣參稽之術陰尊主宰陽受權衡四柱三元司命身之休咎二運三限典歲序之災祥基遊布於十神奇儀飛於九宿六壬測候三劫周輪局顯驗於紫微數隱推於皇極皆布穹蒼之化並資黎庶之衡等賴天恩曲施妙化進福神而守照退凶煞以伏藏庶殄千災聿來萬善圖九五箕疇之志願何福

不臻遂十三義象之經營有求皆應永載生成之德常依清淨之風切切忱恂依依覆燾上願天元昭晏地紀澄寧經緯輝華山川靜穆寵馬肇圖書之瑞鳳麟昭文軌之同沈刀斗於三邊來梯航於四塞朝多俊士野絕游農仁合動植之生德遂飛潛之性則上明天尊大慈之化下副臣等懺悔之誠謹啓以聞

發願

- 一願大道流行溥天懷德
 - 二願一切有生咸皆悟道
 - 三願九夜悲魂一時解脫
 - 四願孤魂无依咸得受生
 - 五願天下太平五穀豐熟
 - 六願臣忠子孝君仁父慈
 - 七願四海會同克親和釋
 - 八願潛胞處卵咸得生成
 - 九願積疾新疢旋即痊愈
 - 十願孤露衆生豐衣足食
- 存神燒香

香官使者左右龍虎君侍香諸靈官當令巨落景陞壇行道之所自然生金液丹碧芝英百靈衆真交會在此香火爐前令臣學道得道求仙得仙齋官獲福幽顯蒙恩十方仙童玉女接侍蘭煙傳臣向來所啓之誠速達徑

御

至真无極大道

三清上聖

昊天玉皇上帝御前

出堂頌

引至六幕

謝師

靈寶領教濟度金書卷之一百九十二